

**Talamdan sa
Mga Mensahe alang sa Full-time Training
sa Fall Term sa 2025**

**LINANGKOB NGA HISGOTANAN:
ANG MAHINUNG DANONG MGA PUNTO SA KAMATUORAN SA MGA SULAT NI PABLO—
FILIPOS UG COLOSAS**

Mensahe 15

**Pakiggubat didto sa Krus
ug
si Cristo nga Atong Kinabuhi**

Basahong Kasulatan: Col. 2:15; 3:4; Gal. 2:20

- I. Dunay pakiggubat didto sa krus ingon sa gipadayag sa Colosas 2:15: “Gihuboan Niya ang mga magbubuot, dayag Niya [Dios] silang gihimong talan-awon, ug gidaog sila diha niini [sa krus]:**
- A. Gihulagway ning versiculoha ang pakiggubat nga nahitabo sa panahon nga gilansang sa krus si Cristo:
1. Sa gilansang sa krus si Cristo nagbuhat Siya aron maghuman sa katubsanan, ug nagbuhat sab ang Dios Amahan aron maghukom sa sala.
 2. Sa samang panahon, nabisi ang mga magbubuot ug mga pagbulot-an sa pagpaningkamot nila nga maulang ang buhat sa Dios ug ni Cristo.
 3. Nagpasabot og pakig-away ang paghisgot og pagdaog sa Colosas 2:15; nagpakita kini nga dunay gubat nga nahitabo.
 4. Tungod sa buhat ni Cristo didto sa krus, gihuboan ang mga magbubuot ug mga pagbulot-an, dayag nga gihimong talan-awon, ug gidaog sa Dios diha sa krus.
 5. Nagpasabot kini nga dayag Niya silang gipakaulawan; dili makita sa tawo kining dili makita nga talan-awon, apan nakita kini sa tanang manulonda, maayo man o daotan.
 6. Nagpasabot ang pulong *gihuboan* nga walay mahawiran o mahuptan si Satanas.
 7. Gibatokan ni Cristo ang daotang gahom ni Satanas, “aron pinaagi sa kamatayon malaglag Niya ang dunay gahom sa kamatayon, sa ato pa, ang yawa”—Heb. 2:14c.
 8. Niadto Siya sa kamatayon, nakig-away sa kamatayon, gidaog ang gahom sa kamatayon, unya nagmadaogon batok sa tanang butang.
 9. Pagkadako niining butanga!
- B. Ang puli-ngalang *Niya* sa Colosas 2:15 nagpasabot sa Dios sa versiculo 12:
1. Sa naa sa krus si Cristo, gipala sa Dios ang kabalaoran sa kasugoan.
 2. Gilansang na sa krus ang kasugoan nga gigamit sa pagbutyag sa atong pagkamasal-anon.
 3. Sa panahon nga gilansang sa krus si Cristo, dunay dili makita nga espirituhanong panag-away tali sa Dios ug sa mga magbubuot ug mga pagbulot-an—sa daotang mga manulonda nga mga sakop ni Satanas nga nagbuhat alang niya.
 4. Nakadaog ang Dios!
 5. Sa panahon nga gilansang si Cristo sa krus, ang krus maoy sentro sa uniberso:
 - a. Gihukman sa Dios ang sala ug ang tanang negatibong butang ug gilansang sa krus ang kasugoan.
 - b. Samtang nagbuhat Siya niini, nag-alirong sa Dios ug ni Cristo ang mga magbubuot ug mga pagbulot-an.
 - c. Nagbuhat ang Dios ug si Cristo:
 - (1) Ang buhat ni Cristo mao ang pagkalansang Niya sa krus.

- (2) Ang buhat sa Dios mao ang paghubo, paghukas, sa mga magbubuot ug mga pagbulot-an.
- d. Ang mga magbubuot ug mga pagbulot-an nga nagduot libot sa Dios ug ni Cristo nagbuhat sab aron moulang.
- e. Kon wala pa sila modutdot, unsoan man sila paghubo sa Dios?
- f. Ang mga pulong *gihuboan ang mga magbubuot ug ang mga pagbulot-an* sa Colosas 2:15 nagpakita nga duol kaayo sila, sama kaduol sa atong mga biste sa atong lawas.
- C. Karon nga gipadaplin na ang kasugoan ug ang daotang mga manulonda, duna nay hawan nga sukaranan ug malinawong kahimtang aron buhion Niya ang Iyang mga pinili, ang Iyang mga magtutuo:
 1. Duna Siyay hustong kahimtangan aron mabuhat Niya ang makapahimuot nga buhat nga magpaambit sa Iyang Kaugalingon nganha sa mga gipili Niya sa nilabay nga eternidad.
 2. Ingon nga Espiritung taghatag-og-kinabuhi, sa gihuboan na sa Tulo-usang Dios ang mga magbubuot ug mga pagbulot-an, gihatag Niya ang Iyang kinabuhi kanato sa pagpaambit Niya sa Iyang Kaugalingon nganhi sa atong pagkatawo.

II. Si Cristo ang atong kinabuhi—3:4; Gal. 2:20:

- A. Ang kinabuhi sa Dios mao ang kinabuhi ni Cristo, ug nahimong kinabuhi nato ang kinabuhi ni Cristo—Col. 3:4; Juan 5:26:
 1. Kanang kinabuhi nato si Cristo nagpasabot nga subjectibo Siya kanato sa kinahingpitan gyod—1:4; 14:6a; 10:10b; 1 Cor. 15:45b; Rom. 8:10, 6, 11.
 2. Dili gyod mabulag ang tawo sa kinabuhi nianang tawhana, kay ang kinabuhi sa tawo mao man siya mismo; busa, ang pag-ingon nga si Cristo ang atong kinabuhi nagpasabot nga nahimong kita si Cristo ug nga duna tay usa ka kinabuhi ug usa ka pagkinabuhi Kaniya—Juan 14:6a; Fil. 1:21a.
 3. Dunay tulo ka kinaiya si Cristo ingon nga kinabuhi sa mga magtutuo:
 - a. Linansang sa krus kining kinabuhia—Gal. 2:20.
 - b. Nabanhawng kinabuhi kining kinabuhia—Juan 11:25.
 - c. Kinabuhing natago diha sa Dios kining kinabuhia—Col. 3:3; Mat. 6:1-6, 16-18.
- B. Makita nato sa Galacia 2:20 ang labing sukaranong kamatuoran sa pamatigayon sa Dios sa Bag-ong Tugon:
 1. Segun sa pamatigayon sa Dios, dili na gyod kita ang mabuhi; si Cristo hinuon ang mabuhi sa atong sulod.
 2. Sa pamatigayon sa Dios tuyo Niya nga maumol sa atong pagkatawo ang nahikay nga Tulo-usang Dios aron mahimo tang bag-ong persona, bag-ong “ako.”
 3. Isip gipanganak pag-usab nga mga tawo, duna tay daang “ako” ug bag-ong “ako”; gitapos na ang daang “ako,” apan nabuhi ang bag-ong “ako”:
 - a. Ang natapos nga “ako” mao ang “ako” nga walay pagkadios.
 - b. Ang “ako” nga nabuhi pa mao ang “ako” nga gidugangan og Dios.
 - c. Walay iya sa Dios ang daang “ako”, samtang nadawat sa bag-ong “ako” ang diosnong kinabuhi.
 - d. Nahimong bag-ong “ako” ang daang “ako” kay gidugang man niini ang Dios nga kinabuhi.
 - e. Ang bag-ong “ako” mao ang “ako” nga naanaa sa dihang nabanhaw ang daang “ako” ug nadugang ang Dios niini.
 4. Dili duha ang kinabuhi nato ug ni Cristo; naa ra hinuon tay usa ka kinabuhi ug usa ka pagkinabuhi:
 - a. Nabuhi ta tungod Niya, ug nabuhi Siya sa atong sulod—Juan 6:57.
 - b. Kon dili ta mabuhi, dili Siya mabuhi, ug kon dili Siya mabuhi, dili ta mabuhi.

5. Gustong motuman sa kasugoan ang “ako,” ang natural nga tawo, aron mahingpit kini (Fil. 3:6), apan buot ang Dios nga magkinabuhi ta ni Cristo aron mapadayag ang Dios dinhi nato pinaagi Niya; busa, ang pamatigayon sa Dios mao nga ilansang sa krus ang “ako” sa kamatayon ni Cristo ug mabuhi si Cristo sa sulod nato sa Iyang pagkabanhaw.
6. Ang pagtuman sa kasugoan pagtuboy man niini labaw sa tanang butang sa atong kinabuhi; ang pagkinabuhi kang Cristo paghimo man Kaniya nga sentro ug tanan sa atong kinabuhi.